

Adarna



Fil
499.21186
.V55t
2003
e.1

TIKTAKTOK at PIKPAKBUM

ANG MAGKAPATID NA LAGING NAG-AAWAY



Kuwento ni
RENE VILLANUEVA

Guhit ni
RENATO GAMOS

TIKTAKTOK at PIKPAKBUM

ANG MAGKAPATID NA LAGING NAG-AAWAY



Kuwento ni
RENE VILLANUEVA

Guhit ni
RENATO GAMOS


Magkapatid sina Tiktaktok at Pikpaktum
Pero magkaiba ang ugali nila.
Kaya madalas, nag-aaway sila.





Maranning kalaro si Tiktaktok
Marami namang kagalit si Pikpakbum.






Marunong bumilang si Tiktaktok,
"Isa, dalawa, tatto."
Sagot naman ni Pikpakbum,
"Ang tatay mong kalbo!"




Malusog si Tiktaktok,
dahil mahilig sa gatas, gulay, at itlog.
Pero sakinin si Pikpakbum,
dahil mahilig sa sopdrinks, tsokolate, at kendi.

Tumutulong si Tiktaktok
sa kanilang tatay at nanay.
Pero si Pikpakbum,
laging naglalaro sa lansangan.






Isang araw, may napulot na karne si Tiktaktok.
"Tingnan mo ito," sabi pa niya kay Pikpakbum.
Kinuha ni Pikpakbum ang karne at tinikman.
"Ang sarap," sabi ni Pikpakbum.




Mabilis na tumakbo si Pikpakbum
at tinangay ang kapirasong karne.
"Pahinggi naman," sigaw ni Tiktaktok.
"Bigyan mo ako kahit konti."
Sumagot si Pikpakbum,
"Kainin mo ang paa mo!"
At tumawa habang tumatakbo.






At naghabulan ang dalawa.





Nakapagtago agad si Pikkabbum.
Hingal na hingal naman si Tiktaktok.
Nang hindi makita ang kapatid,
naupo na lamang si Tiktaktok.





Habang nagpapahinga si Tiktaktok,
may dumating na isang matadero.

"May nakita ka bang magnanakaw
na may dala-dalang karne?"

"Wala ho," sagot ni Tiktaktok.

Ninakaw pala ang karne sa palengke,
naisip ni Tiktaktok.

"Masamang kainin ang karneng iyong
dahil bulok na at may lason pa sa daga,"
sabi ng matadero.



Tumakbo agad si Tiktaktok
at sumigaw nang sumigaw,
"Pikpakbum! Pikpakbum!"
Huwag mo kainin ang karne!
May lason pala yan!"



Nang makita nila sa isang sulok
si Pikpakbum ay umiiyak ito.

"Aruy ko po! Ang sakit ng tiyan ko!"

sabi ni Pikpakbum.

Pinahiga agad ng matadero si Pikpakbum.
Diniinan niya ito sa tiyan

hanggang magsuka nang magsuka.

Pagkatapos, kumuhang tubig si Tiktaktok
at pinainom ang kapatid niya.

Saka pa lamang nawala ang sakit ng tiyan nito.



Mula noon nagbago na si Pikpakbum.
Hindi na sila nag-aaway ng kaniyang kapatiid.
Hindi na rin niya ito nilalamangan.
Naging magkaibigan sila.